

ST

PURGAT  
DE S  
PATRICI


ST

ST

35









~~L. 119.~~

~~2912~~

arg. f.  
oc. 30  
pallid.



Æ. 353.

(Pièce I, Daurion 1052.)

Pièce 2.

Pièce 3 : [Canuti]. Un second ex. mentionné  
à la Bibl. Mazarine (Mazais et Dufresne, cat.  
Inc., p. 737, n° 621(5)). Ce n'est aucune des éd.  
de la B.N.

Pièce 4 : Ce n'est aucune des éditions de -  
crites par M<sup>lle</sup> Pellachet ou Brunet. Ce n'est  
pas non plus l'édition de la Bibl. J. de Rothschild,  
ni celle du G.K.W. (1964 et suiv.)

Pièce 5 : Ce n'est aucune des éditions citées  
par Brunet, IV, 119.

Pièce 6 : Ce n'est aucune des éditions citées  
par Brunet IV 980.

Série 7. Parables de Solomon



Ce Recueil contient 1°. stella Clericorum 2°. La Con-  
fession de frere Olivier Maillard. 3°. Remede très utile  
contre fièvre pestilentielle. 4°. La Complainte douloureuse  
de l'ame damnée. 5°. Lettre [fort singulière] du prêtre Jean.  
6°. Purgatoire de St Patrice. 7°. Les paraboles de Salomon.



unique

**Sensuient plusieurs nou  
uelles et diuersitez estans  
entre les bestes en la terre de  
Prestre Jehan**

J'ay communiqué la piece suivante à M. Turben  
auteur du Conservateur qui l'a inséré dans sa  
collection (mois d'Avril 1758. Pag. 48.) et y a  
ajouté des reflexions aussi curieuses que singulieres.

P. Lerouge

[v. 14907]

(5)



cm 1 2 3 4 5 6 7 8 9 10 11 12 13 14 15 16 17 18 19

Handwritten text in a cursive script, likely a list or index, with several lines of text visible. The text is faint and difficult to read.

cm 1 2 3 4 5 6 7 8 9 10 11 12 13 14



**D**estres Jehan Par la grace de  
Dieu roy tout puissant sur to<sup>r</sup>  
les roys chrestiens. Mandés  
salut a l'empereur de romme  
Et au roy de frâce noz amis  
Nous vous faisons scauoir  
de nous de nostre estat et du  
gouuernement de nostre terre. Cest assauoir  
de noz gens et de noz manieres de bestes. Et  
pource que vous dittes que nos grecz ou gens  
gregoises ne saccozient a adorer dieu comme  
vous faictes en vostre terre. Nous vous fai  
sons scauoir que nous adorons et croyés le pe  
re le filz et le saint esperit. qui sont troyes per  
sōnes en Vne deite et Vng Vray dieu seulemēt  
Et vous certifions et mandés par noz lettres  
sellees de nostre seel de lestat et maniere de no  
stre terre et de noz gens. Et se riens voulez q  
faire puissions mandez le nous. car nous le fe  
rons de tresbon cueur. Et si vous voulez ve  
nir par deca en nostre terre pour le bien q nous  
auons ouy dire de vous nous vous ferons sei  
gneur appres nous. et vous donnerons gran  
des terres seignouries et habitations

A is



**I**tem sachez que nous auons la plus  
haulte couronne qui soit en tout le monde. Ain  
si comme dor d'argent et pierres precieuses Et  
de bonnes fermes de Villes de citez de chaste  
aulx et de bours **I**tem sachez aussi que nous  
auons en nostre puissance quarente et deulx  
roys tous puissans et bons chrestiens.

**I**tem sachez que nous soustenons de nos  
aumosnes tous les pources qui sont en nostre  
terre soient priuez ou estrangers pour l'amour  
et honneur de iesuchrist.

**I**tem sachez que nous auons promis et iure  
en nostre bonne foy a conquerre le sepulcre de  
nostre seigneur et toute la terre de promesse  
Et se Vous Voulez nous l'aurons se dieu plaist  
mais que Vous ayez grâde et bonne hardiesse  
en Vous ainsi come il nous a este rapporte de bon  
courage Bray et loyal. Mais entre Vous aul  
tres francs auez de Vostre lignage et de Vos  
gens qui sont avec les sarrasins esquelz Vous  
auez fiance et cuidez quilz Vous aident et soy  
uent ayder et ilz sont faulx et traitres hospita  
liers Et sachez que nous les auons traynes  
a destruitz ceulx qui estoient en nostre terre car



ainsy le doit on faire de ceulx qui sont contre  
la foy. **I**tem sachez que nostre terre est di  
uisee en quatre parties car les yndes y sont.  
Et en la maior ynde gist le corps saint tho  
mas l'apostre pour lequel nostre seigneur ihe  
suschrist fait plus de miracles que pour saintz  
qui soiēt en paradis. Et icelle ynde est en la p  
tie d'orient car elle est pres de babylonne la de  
serte & aussi elle est pres d'une tour qu'on appel  
le babel. En l'autre partie deuers septentrion  
y est grant abundance de pain de vin de chairs  
& de toutes choses qui sont bonnes a soustenir  
corps humain.

**I**tem en nostre terre sont les olifans & une  
aultre maniere de beste que lon appelle droma  
deres. & cheuaulx blancs. & beufz sauuages qui  
ont sept cornes. & ours blancs. et lyons moult  
estranges de quatre manieres. Cest assauoir  
rouges. vers. noirs. et blancs. **E**t asnes sau  
uaiges qui ont deux petites cornes. Et lieures  
sauuaiges qui sont grans comme ung mon  
ton & cheuaulx vers qui courent plus tost que  
nulles autres bestes & ont deulx petites cornes.

**I**tem sachez que nous auons les oyseaux

A iij



qui sappellent grifons et portent biē ung beuf  
ou ung cheual en leur nid pour donner a man  
ger a leur petis oyseaulx.

**I**tem sachez que nous auons une autre  
maniere de oyseaulx lesquelz ont seignourie  
sur tous les aultres oyseaulx du monde et ont  
couleur de feu et leurs elles sont tranchantes  
comme rasoirs. Et sont appelez yllerions et  
en tout le monde nen a fors que deulx et viuēt  
lespace de soixante ans et puis sen vont noier  
en la mer. Toutesfois ilz couuent premier et  
couuent deulx ou troyx oeufz lesquelz ilz cou  
uent lespace de quarante iours et puy esclou  
ent et deuiennent petis oyseaulx. Et adonc/  
ques les grans cestassauoir pere et mere sen  
partent et sen vont noier en la mer comme dit  
est. Et tous oyseaulx qui adoncques les ren  
contrent leur sont compaignie iusques a la  
mer et ne se partent point denlx iusques a tāt  
quilz soyent noyez. Et quant ilz sont noyez  
ilz retournent et viennēt aulx petis oyseaulx  
et les nourrissēt iusques a tant quil soiēt grās  
et quilz puissent voler et leur vie pourchasser.

**I**te sachez q par deca sont aultres oyseaulx



qui sont appellez tygres & sont de sy grāde force et Vertu quilz emportent bien Vng homme tout arme et son cheual et le tuent

**I**tem sachez que en Vne partie de nostre terre dedēs le desert a Vne maniere d'hommes qui sont cornuz lesquels nont que Vng oeil deuant et troyz ou quatre derriere. Et ya des fēmes qui sont pareilles aux hommes.

Item en nostre terre ya Vne autre maniere de gens qui ne viuent fors que de chair crue d'hommes et de fēmes et bestes et ne doubēt point a mourir Et quant lung deulx est mort soit pere ou mere ilz les mangeussēt tous cruz Et diēt que bonne chose naturelle est de manger chair humaine & font ce en remission de leurs pechez. Et celles gēs sont mauditz de dieu et sont appellez got & magot & est plus de natiōs de celles gēs que de toutes aultres gēs. lesq̃lz sespandront par tout le monde en la Venue de l'antecrist. Car ilz sont de son alliance et de sa cōpagnie. Et celles gēs sōt ceulx qui ēcloyrēt le roy alixandre en macedōne & le mirēt en prison et leur eschappa. Toutefois dieu leur en uoyra du ciel foudre & feu ardāt qui tous les



ardra et cōfondra & l'antecrist aussy & par telle  
maniere seront destruitz et gastez. touteffois  
nous en menons bien de ces gens avecques  
nous en la guerre quant nous y voulōs aller  
et leur donnons congie et licence de mangier  
noz annemis si que de mille nen demeure n'g  
qui ne soit deuoure et gaste. Et puis les fay/  
sons retourner en leur terre. Car silz demou/  
roient longuement avecques nous ilz nous  
mangeroient tous.

**I**tem nous auons vne aultre maniere de gēs  
en nostre terre qui ont les piez rons cōme vng  
cheual et aux tallons derriere ont quatre cou/  
stes fortes et tranchans de quoy ilz se comba/  
tent tellement que nulles armeures ne leur  
peuēt durer et si sont bons cristieēs et labourēt  
voulentiers leur terre et la nostre et nous dō/  
nent grans truaiges chascun an.

**I**tem nous auons en vne aultre partie du de/  
sert vne terre qui dure quarante et deux iour/  
nees de long. Et est appelée feminie la grāt  
et ne cuidez pas que ce soyt en terre sarrasine  
car celle que nous disons est en nostre terre.  
Et en ycelle terre sont troyz roynes sans les



aultres dames qui tiennent leurs terres delles.  
Et quant ycelles troyz roynes Deullēt aller  
en bataille chascune delles meyne avecques  
soy cent mille femmes en armes. **S**ans les  
aultres qui meynent les chaires les cheuaulx  
les oliflans qui portent les armes et les bian  
des. Et sachez quelles se combatent fort com/  
me si elles feussent hommes. Et sachez que  
nul homme masle ne demeure avecques elles  
fors que neuf iours lesq̄lz durāt il se peult de  
porter et solacier avecques elles et engendrer  
et non plus car aultremēt il seroit mort.

**I**tem celle terre est entournee dun fleuve  
qui vient de paradis terrestre et est appelle cy/  
son. Cest si grāt que nul ne le peult passer si nō  
en grandes nefz ou en grandes barques.

**I**tē sachez que entre celle terre a une aultre  
riviēre quon appelle piconye qui est petite qui  
ne dure que dix iournees de long et sept de lar  
ge. et les gens sont aussi petis comme unq en  
fant de sept ans et leurs cheuaulx petis cōme  
unq moutō et sont bōs xp̄iens et labourēt bou  
lētiers et nulle psonne ne leur fait guerre fors  
que les oyseaulx qui viennent chascū an quāt ilz



Soyuent cuyllir leurs blez et leurs Bendenges  
Et adoncques le roy dicelle terre sarme de tout  
son pouoir contre les ditz oyseaulx et font grā  
de turie les Dngz contre les aultres Et puy  
les oyseaulx sen retournent.

**I**tem sachez que en nostre terre sont les sagi  
taires qui sont de puis la saincture en amōt en  
forme de homme et contre bas en forme de che  
ual Et portent en leurs mains arcs et fley  
ches & trayent plus fort que nulle autre mani  
ere de gens et mangeussent chair crue Et les  
prennent aucuns de nostre court et les tien  
nent anchainez & les gens y Viēnent les Deoir  
par grant merueille

**I**tem sachez que en nostre terre sont les ly  
cornes qui ont en leur fronc Vne corne tāt seu  
lemēt & en ya de trois maires de Vers de noirs  
et aussy de blans et occisent le lyon aucunes  
foys Mais le lyon les occit moult subtillemēt  
car quant la licorne est lassee elle se met deco  
ste Dng arbre et le lyon Va entour et la licorne  
le cuide fraper de sa corne et elle frappe l'arbre  
de si grant Vertu quelle ne la peult oster adonc  
le lyon la tue



**I**tem sachez que en l'autre partie du desert  
sont les gens qui souloient auoir .lx. coudées de  
hault & maintenant nen ont que vingt et ne  
peuent yssir du desert car a dieu ne plaist mye  
Car se ilz estoient dehors ilz pouroyent biē com  
batre a tout le monde

**I**tem sachez que en nostre terre ya vng oy  
seau qui est appelle fenix & est le plus bel oyse  
au du monde Mais en tout le monde nen a q  
vng lequel vit cēt ans & puis sen monte vers  
le ciel sy pres du soleil tant que le feu se prêt  
a ses helles & puis descent en son nid & se art  
Et de ces cendres se congreue vng ver & puis  
retourne vng oyseau en la fin de cent iours  
aussi beau comme deuant estoit.

**I**tem en nostre terre ya habūdance de pain  
de vin de chars & de toutes choses qui sont bon  
nes a soustenir corps humain.

**I**tem sachez q en vne partie de nostre terre ne  
peut estre nulle beste q de sa nature porte veni

**I**tem sachez que entre nous & les sarasins  
court vne riuere que lon appelle ydonis et vi  
ent de paradis terrestre & est toute pleine de pi  
erres precieuses et court par nostre terre en



maintes parties de petites riuieres et grâdes  
et la treuve on moult de pierres precieuses.  
Cest assauoir esmeraudes. Saffirs. Jaspis.  
Cassidopnes Rubis Charboncles Scobasses  
Et plusieurs autres pierres precieuses q' n'ay  
pas nommees et de chascune scauons le nom  
et la Vertu.

**I**tem sachez que en nostre terre a Vne herbe  
apellee permanable. Et qui en porte sur soy il  
peult enchanter le dyable & luy demander qui  
il est et ou il Va quil fait par terre & le peult fai  
re parler. Et pour ce le dyable n'ose estre en  
nostre terre

**I**tem sachez que en nostre terre croist le pop  
ure le quel nest iamais seme & croyst entre les  
arbres et les serpens. et quât il est meur nous  
mâdons noz hômes pour le cuyllir & y mettēt  
le feu dedens le bois et tout se art & quât le feu  
est passe ilz font grans mōceaulx de popure et  
de serpens et le boute lon avec et puy le porte  
lon a l'ostel. et le laue on en deulx ou en troy  
eues. et puis on le fait secher au soleil. Et en  
pcelle maniere deuiant noir bon et fort.

**I**tem sachez que aupres de celle partie a Vne



fontaine q̄ qui en peult boire de leue trois fois  
a ieu il naura maladie de trente ans ⁊ quant  
il en aura beu il luy sera auts quil ait mange  
toutes les meilleures viandes ⁊ espices du mō  
de et est toute plaine de la grace du saint espe  
rit. Et qui se peult baigner en la fontaine sil  
est en laage de cēt ans ou de mille il retourne  
en laage de trente et deux ans. Et sachez que  
nous fusmes ne et saictifie au Sētre de nostre  
mere et si auōs passe cinq cēs soixante et deux  
ans et nous sommes baignez dedans la fon/  
taine six foyes.

**I**tem sachez que en nostre terre naist la mer  
sarayne et court moult fort et fait odes terri/  
bles. Et nul hōme ne la peult passer fors que  
nous. pour riēs quon face. ⁊ nous faisons por/  
ter a noz grifons ainsi cōme fist alixādre quāt  
il alla conquerre le chasteau enchante.

**I**tem de couste celle mer passe ung fleuve  
⁊ en iceluy treuve lon moult de pierres preci/  
euses et maintes bōnes herbes qui sont bōnes  
en toutes medecines.

**I**tem sachez que entre nous et les iuisz pas/  
se une riuere qui est plaine de pierres p̄cieuses

**D i**



et court tant fort q nulle personne ne la peult  
passer excepte le sabmedy quelle repose et tout  
ce quelle treuve elle emporte en la mer daray/  
ne Et icelluy pas nous faulst garder car nous  
auons en icelle frôtiere quarante et deux cha/  
steaulx plus beaulx et plus fortz qn soyêt au  
monde et auons gens qui les gardent. Cest/  
assauoir dix mille cheualiers et six mille arba  
lestiers ⁊ quinze mille archiers ⁊ quarâte mille  
serians a cheual et en armes qui gardent les  
passages deuantditz. Pour tant que se le grât  
roy disrael Venoit avec sa compagnie ne puis/  
se passer avecques ces iuifz lesquelz sont plus  
bien deux foyes que de christiës ne de sarrasins  
Car ilz tiennêt les deux parties du mōde Et  
sachez q le grant roy disrael a en soy toyse cens  
rois ⁊ quatre mille princes. que ducz que côtes  
tous iuifz et qui a luy obeissent.

**I**tē sachez que ce les iuifz pouoiēt passer y/  
celluy pas tout seroiēt mors xpiens ⁊ sarrasins

**I**tem sachez que nous laissons passer chas/  
cun samedi huit cens ou mille iuifz pour mar  
chander. Mais ilz nentrent point dedens nos  
fermettez. mais marchandent dehors De la



doubte que nous auons deulx et ne marchan-  
dent fors que en placques dor et d'argent. car  
ilz n'ont point d'autre monnoye. Et quant ilz  
ont fait leur marchandise ilz s'en retournent en  
leurs pays.

**I**tem sachez que nous auons quarante & deux  
chasteaulx qui sont pres l'un de l'autre d'un  
trait d'arbalestre et non plus

**I**tem sachez que nous auons a une lieue  
pres de la une cite qui s'appelle oriodé la grant  
la plus belle et la plus forte qui soit au monde  
Et ung de nos roys la garde lequel recoyt du  
grant roy d'israel le tribut car il nous doit cha-  
scun an deux cens cheuaux chargez dor et d'ar-  
gent & de pierres precieuses. et oultre la despense  
q'ce fait en celle cite & es dessusditz chasteaulx

**I**tem sachez que quant nous leurs faisons  
guerre nous occisons trestous ceulx qui sont  
en nostre terre. Et pour ce ne soient mouuoir  
ne faire guerre. Et sachez que les iuifues sont  
les plus belles femmes du monde et les plus  
chaudes. Et sachez que pres d'icelluy fleuve  
qui est d'arapne vient la mer areneuse et nul  
homme ne la peult passer. et non pourtant

B ij



quant le vent fient deffoubz adoncques se spant  
par la terre et adoncques le peult on bien pas-  
ser. mais q on se haste de retourner. car se on ne  
le faisoit on demoureroit dedes la mer Et tou-  
te la ruine q sen peut retourner se couertist en  
pierres precieuses et ilz ne le peuvent vendre  
iusques a tant que nous les ayons vues Et  
se nous les voulons auoir nous les pouons  
prendre a lestime de nos marchans.

**I**tem en une partie de nostre terre a une  
montaigne en la quelle nul ne peult habiter  
pour la grant chaleur qui y est. et illec se nour-  
rissent aucuns vers qui ne peuvent viure sans  
feu. Et au pres de celle montaigne nous tendes  
tousiours quarante mille personnes qui font  
illec grant feu. Et quant iceulx vers sentent  
la chaleur du feu ilz yssent de la terre et sen en-  
trent au feu. et illec font ung poil tel comme  
font les vers qui font la soye Et de celluy poil  
faisons nos robes et celles a nos femmes que  
nous bestons les festes annuelles. Et quant  
nous les voulons laver nous les mettons au  
feu. et lors se retournent belles et fresches

Item sachez que nul roy chrestien na tat



de richesses comme nous auons pour ce que  
nul hōme ne peult estre pource en nostre terre  
qui dueille gaigner.

**I**tem sachez que saint thomas y fait plus de  
miracles que saint qui soit en paradis. Car  
il presche Dne foye lan corporellement en son  
eglise a toutes gens Et presche en Dng palais  
que vous oiez.

**I**te sachez que en Dne aultre partie de nostre  
terre ya des gens de strāge fasson cest assauoir  
qui ont corpsomme et la teste de chien et ne  
peult lon entendre leur langaige et sont bons  
pescheurs car ilz entrent au plus parfors de  
la mer et sont Dng iour sans yssir dehors & prē  
nent de telz popssons quilz veulent et vien/  
nent tous chargez en leurs maisons qui sont  
soubz terre. Et nous espyons ou ilz les met/  
tent et en prenons tout ce que nous voulons  
Et sachez que ycelles gēs font assez de maulx  
a nos bestes sauluaiges car ilz les māgeusent  
et se combatent contre les archiers. Et font  
souuent de belles batailles.

**I**tem en nostre terre a Dne maniere soyse/  
aux qui sont de plus chaude nature que les  
B iij



autres. Car quant ilz Deulēt pondre ilz pon/  
dent au fons de la mer ⁊ font .xxi. oeuf ⁊ deuē  
nent oyseaux. et puis sen volent. et nous en  
prenons plusieurs. Car ilz sont bons a man/  
ger tant comme ilz sont ieunes. et se nature e/  
stoit faillie a l'omme ou a la femme ⁊ ilz men/  
goiēt de ces oyseaulx tātost leur nature leur  
retourneroit ⁊ seroiēt aussy fors ou pl' q̄ deuāt

**I**tem en nostre terre est l'arbre de Vie Du q̄l  
vient le cressme et ycelluy arbre est tout sec et  
Vng serpent le garde et veille tout lan le iour  
et la nuyt fors que le iour de la saint iehan q̄l  
se dort iour et nuyt. **E**t adonchues nous al/  
lons a l'arbre ⁊ en tout lan nen vient que trois  
liures lesquelles viennent goutte apres gout  
te ⁊ quant nous sommes au pres d'ycelluy cress  
me nous le prenōs et puis nous en retourndōs  
tout bellemēt de peur que le serpent ne viēne  
Et yceluy arbre est pres de paradis terrestre  
d'une iournee. **E**t quant ledit serpent est es/  
veille il se courrouse et crye tant fort que lon  
lentent d'une iournee et sy est deux foyes plus  
grant que Vng cheual et a neuf testes et deux  
elles et quant nous auons passe la mer il sen



retourne et nous portons le crespine au patriarche de saint thomas et ycelluy le sacre de quoy nous sommes chrestiens. **E**t le demourant nous lenuoyons au patriarche de iherusalem et celluy lenuoye au pape de romme lequel le sacre et multiplie par huyle d'olive et puis lenuoye par les chrestiens de la mer

**I**tem en nostre terre na nulz larrons priuez ne estrangers car dieu et saint thomas les confondroient et nous les ferions mourir de mort. Et sachez que nous auons cheuaux Bers qui portent ung cheualier tout arme trois ou quatre iours sans manger

**I**tez quat nous alons en bataille nous faisons porter deuant nous par quatorze roys aournez dor et d'argent quatorze conserons aournez de diuerses pierres precieuses. Et autres roys qui viennent apres qui portent bannieres de cendal moult richement aournees

**I**tem sachez que deuant nous vont armez quarente mille clerks et autant de cheualiers et deux cens mille homes de pie sans les charettes qui portent les viandes et sans les ostiflans et les chameaux qui portent les armeures



**I**te quant nous alōs en bataille nous recōmā  
dōs nostre terre au patriarche de saint thomas.

**I**tem sachez que quant nous cheuauchons  
simplement nous faisons porter Vne croix de  
bois tant seulemēt deuāt nous pour ce q nous  
aions en remembrāce nostre seigneur ihūcrist

**I**te a lētree de chascūe de nos citez sōt troye  
croix de bois afin q les gēs adorēt la saite croix  
Ite quant nous cheuauchōs siplemēt nous fai  
sōs porter Vng bassin dor plain de terre en signe  
q nous sōmes tous Venus de terre ⁊ quil nous  
fault en terre retourner ⁊ faisōs porter Vng au  
tre bassin tout plain dor en demōstrāt q nous  
sommes le plus puissāt Roy ⁊ le plus signē de  
tout le monde.

**I**tem sachez que nulle personne nōse fayre  
le peche de luxure en nostre terre. Car incon  
tinent ilz seroient ars. et pour ce establit dieu  
le sacrement de mariage.

**I**tem sachez que nulle personne nōse mētir  
en nostre terre Car il seroit mort ⁊ pēdu

**I**tem sachez que nous Visitons chascun an  
le corps de saint Daniel le prophete qui est au  
desert et menons avec nous dix mille clerics et



au tant de cheualiers et deux cens chasteaulx  
bastiz sur les oliflans qui portēt vng chasteau  
pour nous garder des dragons qui ont sept te  
stes sur chascun deux. Et sachez que en ce de  
sert ya des meilleures dates qui pendēt es ar  
bres et sont bones vertes et meures puer et este  
Et dure le desert quatre vingz et soixante iour  
nees et illec sont les deux patriarches de saint  
thomas qui seent a table deuant nous pour ce q'ilz  
ont le pouoir du pape de rōme. et auons autāt  
d'abbes cōme il ya de iours en lan par deux fois  
et quinze plus. et chascun viēt chāter vne fois  
lan en l'autel de saint thomas et nous y chan  
tēs les festes annuelles. Et pour ce sōmes no  
appellez Drestre iehan Car nous sōmes pre  
stre selon le sacrifice de l'autel. et roy selō iusti  
ce et droicture. Et sachez que ie fuz saintifie  
auant que ie fusse ne. Car dieu enuoya a  
mon pere vng āge le quel luy dist quil fist vng  
palays qui seroyt de la grace de dieu et cham  
bre de paradis pour ton enfant qui est a Venir  
Car il sera le plus grant Roy terrien de tout  
le monde et viura long temps Et qui sera au  
palays naura fain ne joif et ne pourra mourir



et quant mon pere se esueilla de son dormir il  
eut grant ioye et commenca le palais tel com  
me vous orres. **P**remierement les pa  
roys sont de cristal et la couuerture de dessus  
est de pierres p̄cieuses ⁊ par dedens est aourne  
de estoilles en sēblance de celles des cieulx ⁊ le  
pauemēt est cristal ⁊ audit palais ne trouue  
res fenestre ne porte. ⁊ dedēs le palais a. xxiii.  
pilliers dor ⁊ de pierres p̄cieuses de toutes ma  
nieres Et illec tenōs nostre corps es festes ā  
nuelles ⁊ saict thomas p̄sche aux gēs ou mili  
eu du palais. et dedēs nostre palais ya les ca  
ues ⁊ le meilleur vin du mōde ⁊ q̄ en boit na de  
sir des biēs tēporelz ne ne set ou elle ha ne sō  
elle vient.

**E**tē Vne aultre grāt merueille ya en nostre pa  
lais cest assauoir q̄ nul māger ny est appareil  
le fors q̄ Vne escuelle Vng gril ⁊ Vng tailloir q̄  
sōt pēdus a Vng pilier Et quāt nous sōmes a  
table et nous desirōs auoir Viādes elle nous  
sōt apareillees par la grace du saict esperit Et  
sachez q̄ tous clerics q̄ sōt au mōde ne scauroiēt  
dire ne retraire les biēs q̄ sōt en nostre palais ⁊  
en nostre chappelle Et sachez q̄ tout ce q̄ nous




Sous auôs escript est Bray cõe dieu est. ⁊ ne mē  
tirõs pour riēs Car dieu ⁊ saint thomas nous  
cõfũdzoiet ⁊ perdrõs noz dignitez. **D**e Vous  
Soulez de nous qlque chose que nous puissiõs  
mãdez le no' car nous le ferõs de tresbõ cueur.  
Et Vous priõs ql Vous soit en remēbrance du  
saint passaige ⁊ q ce soit prouchainemēt ⁊ ayez  
bõ cueur grãde hardiesse en Vous ⁊ soies remā  
brãs de mettre a mort ces faulx tēpliers ⁊ pay  
ens et Vous priõs q Vous nous ēuoiez respõce  
p le porteur de ces presētes Et priõs au roy de  
frãce ql nous salue tous les feaulx xp̄iens de  
dela la mer ⁊ ql nous ēuoye aulcũ Baillāt che  
ualier qui soit de la bõne generation de france  
En priāt nostre seigneur qui Vous doit pseue  
rer en la grace du saint esperit Amen **D**õ/  
ne en nostre saint palays Lan de nostre nati  
uite .cinq cens et Vij.

**E**y finissent les diuersitez  
des hõmes des bestes et des  
oyseaux qui sont en la terre  
De Prestre Jehan
















1413.



